

Provider Hub Daim Ntawv Xov Xwm | Lub Plaub Hlis 2026

Tsab ntawv no tau xa mus rau cov neeg sau npe txais Provider Hub Daim Ntawv Xov Xwm. Yog ib tug neeg xa tsab email no rau koj, peb txhawb kom koj [sau npe kom tau txais ncaj qha](#).

Zoo siab txais tos koj rau Provider Hub Daim Ntawv Xov Xwm, uas luam tawm los ntawm pab pawg Provider Hub hauv Lub Xeev Minnesota! Peb zoo siab tias koj tuaj txog ntawm no.

Hauv tsab ntawv xov xwm no, koj yuav pom cov ntsiab lus nram qab no:

- [Cov Provider: Sau Npe Los Muab Tswv Yim / Kev Tshawb Nrhiav Txog Kev Tsim Qauv](#)
- [Tsis Tau Muaj Kev Txiav Txim Txog Hnub uas Yuav Pib Siv Rau Cov Neeg uas Muaj Daim Ntawv Tso Cai Zov Me Nyuam Hauv Tsev Ntawm Lub Rooj Sib Tham Legislative Session 2026](#)
- [Yuav Tsum Muaj Daim Ntawv Teev Sij Hawm Tuaj Koom Hauv Online Rau CCAP Rau Qee Cov Neeg Zov Me Nyuam Pib Hnub Tim 22 Lub Rau Hli](#)
- [Cov Lus Qhia Los Ntawm Pab Pawg Product Success: Rov Teeb Koj Lo Lus Zais, Hloov Kho Tus Neeg Muaj Cai Tag Nrho Cov Ntaub Ntawv Tiv Tauj](#)
- [Cov Kev Pab thiab Cov Ntaub Ntawv Tshiab](#)
- [Yam Tau Tso Tawm Tshiab Tsis Ntev Los No](#)

Cov Provider: Sau Npe Los Muab Tswv Yim / Kev Tshawb Nrhiav Txog Kev Tsim Qauv

Koj puas yog ib tug Provider uas tam sim no siv los sis yuav pib siv Provider Hub? Koj puas xav qhia txog koj cov kev paub? Thov ua kom tiav [daim ntawv no](#) kom qhia tau rau peb.

Pab pawg Provider Hub nquag los tshawb nrhiav thiab sim cov qauv no nrog cov Provider (hu ua “design research”). Peb siv

cov tswv yim uas peb tau txais los txhim kho thiab ua kom lub cuab yeej online no siv tau zoo dua.

Hauv kev tshawb nrhiav no, tsis muaj ib lo lus teb twg uas yuav tsis yog: “Qhov no tsis yog kev xeeb rau koj, nws yog kev xeeb rau Provider Hub.”

Tom qab koj ua tiav [Daim Ntawv Txaus Siab Los Muab Tswv Yim](#) no, koj lub npe thiab cov ntaub ntawv tiv tauj yuav raug ntxiv rau hauv daim ntawv teev npe. Pab pawg Provider Hub yuav siv daim ntawv teev npe no los tiv tauj cov Provider thaum muaj kev tshawb nrhiav tshiab.

Daim ntawv no yuav nug txog qee cov ntaub ntawv ntawm koj lub program thiab hom kev tshawb nrhiav uas koj xav koom (xws li kev tshawb nrhiav, kev xam phaj, los sis kev cob qhia). Qhov no pab peb txuas cov tswv yim kom haum rau cov Provider.

Ua tsaug rau koj uas muab koj lub sij hawm thiab koj txoj kev paub qhia rau peb!

[Rov mus rau saum toj](#)

Tsis Tau Muaj Kev Txiaiv Txim Txog Hnub uas Yuav Pib Siv Rau Cov Neeg uas Muaj Daim Ntawv Tso Cai Zov Me Nyuam Hauv Tsev Ntawm Lub Rooj Sib Tham Legislative Session 2026

Nyob rau lub caij nplooj ntoos hlav no, lub State of Minnesota tau qhia txog kev hloov tshiab ntawm lub sij hawm uas yuav pib siv Provider Hub rau cov neeg uas muaj daim ntawv tso cai zov me nyuam hauv tsev.

Peb yuav tsis txiaiv txim txog hnub uas yuav pib siv Provider Hub rau cov neeg uas muaj daim ntawv tso cai zov me nyuam hauv tsev kom txog thaum lub rooj sib tham Minnesota Legislative Session xyoo 2026 tau xaus.

Ua ntej cov neeg muaj daim ntawv tso cai zov me nyuam hauv tsev yuav pib siv, peb yuav tsum to taub tias lub Rooj Sib Tham no xav yuav hloov dab tsi, yog muaj, rau cov qauv ntawm cov ntawv tso cai zov me nyuam hauv tsev. Yog muaj kev hloov, peb yuav tsum koj cov kev hloov ntawd los kho rau hauv Provider Hub.

Tej kev hloov tshiab yuav muab tso tawm tom qab lub rooj sib tham Legislative Session xaus thiab thaum peb tau txheeb xyuas tias cov kev hloov ntawd yuav cuam tshuam mus li cas.

Mus saib tag nrho tsab ntawv xov xwm hloov tshiab rau lub [caij nplooj ntoos hlav 2026 \(PDF\)](#) — uas tau muaj xa hauv email rau cov neeg muaj daim ntawv tso cai zov me nyuam rau hnub tim 30 lub Peb Hlis — kom paub ntxiv.

[Rov mus rau saum toj](#)

Yuav Tsum Muaj Daim Ntawv Teev Sij Hawm Tuaj Koom Hauv Online Rau CCAP Rau Qee Cov Provider Zov Me Nyuam Pib Hnub Tim 22 Lub Rau Hli

Pib Hnub Tim 22 Lub Rau Hli xyoo 2026, Lub Department of Children, Youth, and Families (DCYF) yuav kom **qee cov Provider zov me nyuam uas tau txais nyiaj los ntawm Child Care Assistance Program (CCAP)** yuav tsum xa cov ntaub ntawv teev kev tuaj koom hauv online uas yog los ntawm kev siv qhov ntu Kev Sau Npe thiab Kev Tuaj Kawm hauv Provider Hub.

DCYF tau xa cov ntawv ceeb toom no nyob rau Lub Peb Hlis Xyoo 2026 mus rau cov Provider uas yuav tsum ua raws li txoj cai no.

DCYF tab tom ua hauj lwm nrog ib lub tuam txhab los txhim kho qhov ntu Kev Sau Npe thiab Kev Tuaj Kawm hauv Provider Hub kom siv tau zoo dua ua ntej Hnub Tim 22 Lub Rau Hli xyoo 2026.

Yog xav paub ntxiv, mus saib [tsab ntawv xov xwm CCAP rau Hnub Tim 18 Lub Peb Hlis](#) thiab [EngagementHQ lub website hais txog cov kev cai tshiab rau kev teev tseg kev tuaj koom hauv online.](#)

[Rov mus rau saum toj](#)

Cov Lus Qhia Los Ntawm Pab Pawg Product Success: Rov Teeb Koj Lo Lus Zais, Hloov Kho Tus Neeg Muaj Cai Tag Nrho Cov Ntaub Ntawv Tiv Tauj

Pab pawg Product Success — yog pab pawg kws tshaj lij hauv zos uas yog cov los pab koj siv Provider Hub kom tau zoo — tau qhia ob peb yam raws li cov kev sib tham tsis ntev los no nrog cov neeg siv:

Muaj teeb meem nrog koj lo lus zais?

Yog koj ntsib teeb meem thaum nkag mus rau hauv Provider Hub, rov sim teeb koj lo lus zais. Cov lus qhia ib kauj ruam zuj zus hauv [Rov Teeb Koj Lo Lus Zais](#) no yuav pab tau koj.

Cov Neeg Muaj Cai Tag Nrho (Authorized Agents) ntawm cov chaw muaj daim ntawv tso cai zov me nyuam: Puas xav hloov kho koj cov ntaub ntawv tiv tauj?

Tsis zoo li lwm cov neeg siv, Tus Neeg Muaj Cai Tag Nrho (Authorized Agent) ntawm ib lub program yuav tsum xa daim ntawv thov kev hloov kho lawv cov ntaub ntawv tiv tauj hauv Provider Hub — lawv tsis tuaj yeem hloov tau lawv tus kheej.

Vim Tus Neeg Muaj Cai Tag Nrho (Authorized Agent) yog tus neeg muaj lub luag hauj lwm sib txuas lus nrog lub chaw muab ntawv tso cai, tus neeg muab ntawv tso cai yuav tsum tshuaj xyuas thiab pom zoo rau txhua yam kev hloov ntawm cov ntaub ntawv no.

Saib cov lus qhia ntxaws txog yuav xa daim ntawv thov no li cas hauv tsab ntawv [Kev Thov Kev Hloov Kho Rau Koj Tus Neeg Muaj Cai Tag Nrho Cov Ntaub Ntawv \(rau cov chaw muab daim ntawv tso cai zov me nyuam\).](#)

Cov ntaub ntawv cuam tshuam:

- **Puas xav hloov tus neeg uas yog Tus Neeg Muaj Cai Tag Nrho (Authorized Agent) rau koj lub program?** Tsab ntawv [Kev Thov Hloov Tus Neeg Muaj Cai Tag Nrho](#) muaj cov lus qhia ib kauj ruam zuj zus rau cov chaw muaj daim ntawv zov me nyuam rau hom kev thov no.
- **Tsis yog Tus Neeg Muaj Cai Tag Nrho (Authorized Agent) tab sis xav hloov kho koj cov ntaub ntawv tiv tauj?** Mus rau [Hloov Koj Tus Email los sis Koj Lub Npe \(tsis yog Tus Neeg Muaj Cai Tag Nrho\)](#).

Sib txuas nrog pab pawg

Yog koj xav tau kev pab rau cov hauj lwm no los sis lwm yam hauv Provider Hub, hu rau 651-431-6075 los sis [xa ib qho case](#) thaum koj nkag mus hauv Provider Hub. Peb yuav teb cov case no nyob rau hnuv Monday mus txog Friday thaum 8 moos sawv ntxov txog 4:30 tsaus ntuj.

Yog tsis muaj leej twg teb koj thaum koj hu tuaj, thov tso lus thiab qhia cov ntaub ntawv no kom ntau li ntau tau:

- Lub npe
- Lub npe ntawm lub program
- Tus xov tooj
- Cov lus nug thiab/los sis yam koj thov txog
- Tus zauv ntawm daim ntawv tso cai lag luam (yog tias muaj/uas tsim nyog)

Peb yuav tsis pom cov ntaub ntawv no yog tias tus neeg hu tuaj tsis tso lus thiab tsis qhia. Yog li ntawd, txhua yam ntaub ntawv koj hais tseg yuav pab kom peb hu tau rov qab rau koj thiab sai.


Kev teb los ntawm pab pawg

Txawm koj tso lus los sis xa case hauv online, peb npaj siab yuav teb rov qab hauv 24 xoj moos — tej zaum yuav txawv raws li seb peb muaj pes tsawg qhov case uas tau xa tuaj.

Peb yuav teb rov qab raws li txoj kev uas koj tiv tauj peb:

Yog koj tso lus, peb yuav hu rov qab rau tus xov tooj ntawd.

Yog koj xa case hauv online, peb yuav teb hauv Provider Hub (mus xyuas koj cov lus ceev toom (notifications)).



[Rov mus rau saum toj](#)

Cov Kev Pab thiab Cov Ntaub Ntawv Tshiab

Cov ntaub ntawv qhia txog cov kev pib siv Provider Hub tau muaj txhais ua lus Mev, Hmoob thiab Somali lawm

Cov ntaub ntawv hais txog cov kev pib siv Provider Hu no tau muaj txhais ua plaub hom lus: Hmoob (Hmong), español (Mev), Soomaali (Somali) thiab lus Askiv.

Cov ntaub ntawv no yuav pab tau koj ua cov hauj lwm tseem ceeb hauv Provider Hub — xws li kev nkag, kev rov teeb lo lus zais, kev saib cov ntawv tso cai/ntawv pov thawj uas twb muaj lawm, thiab nrhiav kev pab los siv lub cuab yeej online no.

- **Hmoob:** [Qhov Chaw Teev Cov Kev Pab Ua Ke](#)
- **English:** [Basics Learning Library](#)
- **español:** [Aspectos básicos en Learning Library](#)
- **Soomaali:** [Maktabadda Barashada Aasaaska](#)

Cov ntaub ntawv qhia txog daim ntawv thov rau daim ntawv tso cai ib ntus EIDBI tau muaj txhais ua lus Mev, Hmoob, thiab Somali lawm

Cov ntaub ntawv hais txog daim ntawv thov rau daim ntawv tso cai ib ntus EIDBI tau muaj txhais ua plaub hom lus lawm: Hmoob (Hmong), español (Mev), Soomaali (Somali) thiab lus Askiv.

Cov ntaub ntawv no qhia cov koom haum EIDBI txog txhua kauj ruam ntawm daim ntawv thov hauv Provider Hub. Cov no tau muab sau ua ke nyob rau hauv Qhov Chaw Teev Cov Kev Pab Rau Daim Ntawv Tso Cai EIDBI:

- **Hmoob:** [EIDBI Qhov Chaw Sau Ua Ke Cov Kev Pab Rau Daim Ntawv Tso Cai](#)
- **English:** [EIDBI Licensing Learning Library](#)
- **español:** [Colección de recursos sobre licencias en el Provider Hub para agencias de EIDBI](#)
- **Soomaali:** [EIDBI Maktabadda Barashada Ruqsadeynta](#)

Mus nrhiav tau qhov twg

Nrhiav tag nrho cov ntaub ntawv no hauv [Provider Hub](#) lub website nyob rau hauv ntu Kev Pab (Resources) (tsis tas yuav tsum nkag mus):

Resources

New Provider Hub user? Get started with these resources >>


The articles collected in the [Basics Learning Library](#) can help you learn how to complete foundational tasks in the Provider Hub. Get these articles in another language:

- **español:** [Aspectos básicos en Learning Library](#)
- **Soomaali:** [Maktabadda Barashada Aasaaska](#)
- **Hmoob:** [Qhov Chaw Teev Cov Kev Pab Ua Ke](#)

The additional resources linked below offer more help with specific features. Find more resources when you're logged in to the [Provider Hub](#) — within the Help & Resources section.

- + [Licensing/certification — multiple languages!](#)
- + [User access](#)
- + [Child Care Assistance Program](#)
- + [Enrollment and attendance](#)
- + [Great Start Compensation Support Payment Program](#)
- + [Technology help — multiple languages!](#)

Los sis nrhiav tau hauv ntu **Help & Resources** (Kev Pab & Cov Ntawv Pab) thaum koj nkag mus hauv Provider Hub:



[Rov mus rau saum toj](#)

Yam Tau Tso Tawm Tshiab

Cov kev txhim kho rau Provider Hub nyob rau lub ob lub hlis dhau los suav nrog:

- Qhov chaw sau ntawv tau muaj nce ntxiv kom sau tau ntau dua thiab ntxiv qhov text wrapping hauv qhov chaw Piav Qhia (Description) uas nyob hauv daim ntawv uas siv los xa ib qho case mus rau pab pawg Product Success, kom cov neeg thiaj sau tau ntawv ntau dua thiab pom tau txhua yam uas lawv sau
- Tau hloov kho qhov uas thaum ib tug Provider hauv Minnesota tau xa lawv daim ntawv cuv npe Child Care Assistance Program (CCAP), lawv yuav tsis pom daim ntawv tso cai nyob rau hauv ntu Eligible Licenses ntawm daim nplooj CCAP — cov Provider tseem tuaj yeem hloov kho lawv cov ntaub ntawv uas xaiv qhov hyperlink CCAP nyob rau hauv ntu Pending, Approved, thiab Closed/Denied

Mus saib [cov ntaub ntawv qhia nyob rau Lub Ob Hlis](#) thiab [Lub Peb Hlis](#) kom paub ntxiv txog cov kev hloov tshiab no thiab lwm yam.

[Rov mus rau saum toj](#)

Hais Txog Provider Hub

Provider Hub yog ib qho cuab yeej online rau cov Provider uas muab kev pab rau pej xeem siv los thov thiab tswj cov ntawv tso cai/ntawv pov thawj, cov nyiaj pab, thiab lwm yam kev pab cuam ntawm tsoom fww.

Peb tseem tab tom txhim kho lub cuab yeej online no thiab tsim cov hauj lwm tshiab ntxiv. Thaum peb ua li ntawd, ntau tus Provider yuav tau txais kev nkag mus siv ntxiv. Mus saib [Provider Hub](#) lub website kom paub ntxiv txog kev siv tam sim no.

[Rov mus rau saum toj](#)

Hais Txog Provider Hub Tsab Ntawv Xov Xwm

Tsab ntawv xov xwm no qhia cov ntaub ntawv dav txog Provider Hub rau cov neeg siv tam sim no thiab yav tom ntej, nrog rau lwm tus uas xav paub txog lub cuab yeej online no. Peb xa Provider Hub cov Ntawv Xov Xwm no kwv yees txhua ob lub hlis. Koj tuaj yeem nrhiav tau cov ntawv xov xwm yav dhau los nyob rau hauv [Provider Hub](#) lub website.

Tsab ntawv xov xwm no tsis yog los hloov cov ntaub ntawv uas xa ncaj qha mus rau tej pab pawg — xws li cov lus ceeb toom rau cov neeg siv Provider Hub tam sim no los sis cov ntaub ntawv qhia rau cov neeg siv tshiab. Cov ntawv no nyias xa nyias tawm.

Qhia tsab ntawv xov xwm no rau lwm tus

Koj puas paub lwm tus uas yuav xav txais cov xov xwm txog Provider Hub? Xa tsab email no mus rau lawv thiab txhawb kom lawv [cuv npe txais tsab ntawv xov xwm ncaj qha](#).

[Rov mus rau saum toj](#)